



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Petri Danielis Huetii Demonstratio Evangelica**

**Huet, Pierre Daniel**

**Parisiis, 1679**

III. Probari potest Religionis Christianae veritas eo genere demonstrationis,  
quod non minus certum sit quam demonstrationes ipsae geometricae.

**urn:nbn:de:hbz:466:1-16260**

## PRÆFATIO.

3

autem Christiana Religione reliquias sectas corrireu, ut in iis convellendis nulla deinceps opera collocanda sit; brevissimam igitur hanc esse & simplicissimam veritatis aperienda viam, addebam etiam tutissimam; ut pote quæ constet hoc genere demonstrationis, quod non minus certum sit, quam demonstratio quævis geometrica. Miraris, inquam, confidentiam meam; & merito sane: novum quippe illud est & paradoxum, tam certo sciri posse res hujusmodi, opacas sponte sua & obscuras, quam qua sciuntur κατ' επιστημονίαν λόγον. verum id tamen esse rebus addiccam necessariis.

III. Scitum est Philosophorum omnium, talem esse demonstrationem, qualia probari possunt principia demonstrationis. Demonstrationem appello, quam Aristoteles Στοιχεῖα- test Religionis, rationinem videlicet quæ veris & primis constat, vel iis quæ ex primis & veris quibusdam cognita sunt. Etsi non me fugit haudquaque satis probari purioris Latinitatis studiosis, ut Στοιχεῖα hoc sensu demonstratio appelletur. Verum hac dictio, aliisque vulgo receptis abuti per Orbilius & Palamones nobis liceat, cum alia commodiore in praesentia non suppetant. Cum igitur eadem sit vis demonstrationis, quælis est principiorum, non plus geometricis demonstrationibus adjungendum est fidei, quam principiis ipsis Geometricis adjungi solet; quibus si dubium inerit quippiam vel subobscurum, Geometriam universam pervaderat labacula isthac. Geometricorum autem ipsorum principiorum fides omnis à nativa ipsorum evidentiis & claritate pendet, qua collustrata mens nostra facilimè iis acquiescit. Fidei itaque & explorata cognitionis, tam principiorum istorum, quam reliquorum omnium, fons & origo, xermeior & norma, si qua est, perspicuita profecta ea est, qua animis nostris veritas illorum nota sponte sua & aperta est: quæ si in Theoreticis posita sunt, Principia; si in moralibus, Diæcta naturæ appellantur. Quæ plurius ergò demerentur fidem, majorique omnium admittuntur consensu, clariora ea esse & certiora fatendum est. Adeo ut quod de probabilibus dixit Aristoteles, de veris merito dici possit; vera nempe esse τὰ δυοῖς πάντα, οὐ τοῖς πλέον, οὐ τοῖς αρρών. & Τύποι, οὐ Εἰς πάντα, οὐ Εἰς μάλιστα γνωστούς η̄ ἐρθεῖσι. Quevidetur omnibus, vel plerisque, vel sapientibus: atque iis, vel omnibus, vel plerisque, vel maximè notis & claris. Nam cum ait vera esse, τὸ δι ἀντὸν ἔχεται τὸ πιστό. Que habent fidem à seipso; nempe apud homines fidem habere vult. Quæ igitur apud plures homines habebunt fidem, veriora esse necesse est. Itaque Sallustius Philosopherus, cum Axiomata, five Notiones communes definire vellit, eas esse dixit, quas omnes homines veras esse faterentur. Nec aliud sanguinem ipsum indicat. Atqui theses quædam morales & practica, five positiones, five principia appellare mavis, vel experientia, vel historica fide nixa, plures assidentes habent, pauciores repugnantes, quam principia geometrica. Rem exemplis illustrabimus. Constantinopolim primariam Turcici imperii urbem, esse ad Bosporum Thracium sitam, pro certo & comperto habemus, quam neque ego vidi, neque fortasse tu. Augustum olim Romanum imperium tenuisse in confessu est apud omnes, quem hominum qui vivunt nullus vidit omnino, & ex libris tantum ac fama novimus. Digitum admotum igni adustum iri, nemo homo est tam stipes aut bardus, nemo tam opiniosus & pertinax, qui non fateri malit, quam experiri. Quis futurum dubitat, ut ver hyemem excipiat, a statu autumnum consequatur? Quis adeo refratarius & pugnat in disputando, quæ gena est adeo barbara, quæ Solem occasurum, quæ se aliquando morituram non agnoscat? Nemo se cogitare, se esse, se hominem esse, se ex muliere, se ex hac muliere natum esse, se corpore præditum esse, se capite, pedibus, manibusque instrutum negare ausit. Atque hoc quidem ita credimus, ut pro eorum veritate fortunas omnes velimus, vitamque adeo ipsam pacifici, & ex eorum explorata notitia res nostras componamus. Geometrica vero principia pro veris habent acutum tantum quidam & subtiles viri; reliquorum hominum magna pars ne capit quidem; nonnulli etiam præfracte negant. Cum Augustinus olim inter Philosophorum, Christianorumque dogmata incertus diu multumque fluctuasset, tandem ad Scripturæ sacræ veritatem amplectendam hac præcipue ratione adductus est, quod sibi videretur ineptum tam multa credere, quæ neque vidisset, neque cum gererentur affueret, velut in gentium historia, in locorum & urbium descriptionibus; fidem habere medicis, amicis, aliisque multis, sine quorum ope vita haudquaque vitalis esse potest; pro certo denique habere se his ortum esse parentibus, quod aliis duntaxat renuntiantibus cognovisset; Libris vero sacris derogare fidem, quorum auctoritatem omnes fere gentes susciperent. Rusticum consule de vicibus temporum, de Solis ortu & occasu, sine ulla dubitatione respondebit; nec à dictis facta abludent; arbitratur, metet, reliqua, prout postulabit tempestas, administrabit: quere utrum duas rectas lineas comprehendant, necne; quare, si in duas rectas lineas altera recta incidens internos angulos, & ad easdem partes fitos, minores faciat duobus rectis,

A ij

Sallust. de  
Dii & mundo  
cap. 1.

August. Con-  
fessi, lib. 6, c. 13

## P R A E F A T I O.

4

utrum duæ illæ rectæ in infinitum producatur ex ea parte concurrent, in qua siti sunt anguli minores duobus rectis; hasitabit felicit, titubabit. Principia geometrica Academic repudiant; repudiant & Sceptici, multaque iis confutandis subtiliter & eruditè differunt: dictatis tamen naturæ, & præceptis moralibus, quæque sunt ad vitæ usus opportuna, obsequendum esse censent. Democritus adversus demonstrationes acriter decertavit, ilisque Canones suos opposuit. Plurima adversus easdem collegit Sextus Empiricus. Ratiocinandi artem Epicurus aspernabatur: Geometriam vero, & reliquas artes Mathematicas, ut pote à falsis initius profectas, veras esse non posse docebat; idemque ex mente Epicuri pronuntiat L. Torquatus apud Ciceronem. Alia via adversus Geometriam grassabatur Zeno Epicureus, imperfæcta ejus esse docens initia, unde nihil effici posset, nisi alia quædam adicerentur, quæ in iis prætermissa sunt: quam ejus sententiam toto libro confutare conatus est Posidonius. Quamquam & ali prodierunt subinde, à quibus querela eadem instaurata est. Quin etiam a Mathematicis nonnullis in controverfiam vocata sunt Geometriæ principia, ut ostendam deinde: ea que nuperrime oppugnavit acriter Hobbesius Anglus. Qui fidem principiis moralibus à me propositis, eorumve similibus detraharet, adhuc repertus est nemo. Utra ergo certiora dicenda sunt: moralia certe; siquidem æqua est eorum disceptatrix & judex humana ratio, cuius nutus & decreta, non ex ingeniorum aliquorum effatis, sed ex univerorum hominum, cum acutiorum, tum tardiorum consensu existimantur. Ut Joseph, lib. 1. quod Josephus de Historia, nobis de Principiis illis fari licet: Καὶ μὴ γέληθεν τοι εἰς την πατερικὴν ἀπόστολον την τάχανταν την λέγουσαν την γεράφοιν. Indicium enim est vere historiæ, si de rebus istidem omnes eadem & dicant, & scribant. Elegantius etiam Tulucl. Cicero: Omnia consensus, nature vox est. Quod si igitur æque explorata est moralium quorundam principiorum veritas, ac geometricorum, demonstrationes itidem morales, quæ ab his capitibus fluunt, haud minus certæ erunt, ac demonstrationes geometricæ. Atqui Religionis Christianæ veritatem demonstrari posse aio ex iii principiis moralibus, quibus fidem experientia magistra conciliat, quæque nemine adhuc contradicunt, & tritissimo ac perulgatissimo omnium usu & consensu recepta sunt. Quidni vero, cum & virtutem ipsam per principia, per postulata, inquam, & hypotheses perinde tradi posse probaverit Plato in Menone, ut Geometria tradi solet? cum de Officiis Marco filio præcepta tradens Cicero, quo facilius quæ posuerat explicaret, Geometrarum morem sequi se velle dixerit, quædam ut sibi concederentur postulando? Quæ cum dixisset, tum illud quod è vaiciinis dicitur argumentum, in eam digessi formam, quæ esset θεολογίαν & θεομορφίαν, sicque ejus explicata est à me ratio, ut multum de sua pertinacia adversarius meus remittere videretur.

*Ad facien-  
dam fidem  
inanis est, fi-  
ne gratia  
Dei, omnis  
argumenta-  
tio.*

Ebr. 11. 6.

*Plat. libr. 1.  
De legib.*

IV. Hoc qualecumque est, tibi, Serenissime D E L P H I N E, fuse exposui hoc Libro, multaque præterea per otium meditata & collecta adjeci. Argumentum ipsum quidem vetus est, at argumentatio nova. Quotusquisque enim est, qui Christi fidem propagans, Prophetarum oracula non allegat? Et merito quidem eorum obducitur auditoria: hoc est enim adversus impiorum assultus tutissimum perfugium, & velut ancora sacra. Quamvis autem nostra Religionis eluceat inde manifesto veritas, nullæ tamen ad capessendam fidem sufficiunt argumentationes, nisi accedit gratia Christi, cuius solius ope fidem eam consequimur, fine qua, juxta Pauli decretum, placere Deo non possumus. Merum quippe ea Dei donum est, non rationis nostra fetus. Duplex est siquidem via, per quam in animos nostros illabitur cognitio rerum; alia sensuum ac rationis, alia fidei: obscura illa, anceps & fallax, ad veri notitiam malefida & intuta, infinitis obsepta Philosophorum tricis & questionibus; clara hæc, aperita, & constans, prælucens animo, ejusque ancipites motus, & fluctuationes admisso celesti lumine compponens. Plane corneam hanc portam dicas, Poëtarum carminibus celebrem; eburneam alteram. Cui fidem largitus est Deus, probationes non requirit: qui fide caret, nulla illi sufficit demonstratio. Neque vero ita ex ratione pender Graecanica Philosophia, ut non fidei etiam alicuius necessitatem agnoscat: cum enim in rebus sacris promptum à Deo postulemus ad ejus dictata, nutulque, animi obsequium, parem in rebus civilibus Plato docilitatem desideravit; unamque hanc ex præstantissimis legem esse censuit, quæ vetat ne juvenum quisquam in leges inquire audeat, & quænam bene confituta sint, quænam fecus, definire; at unumquemque jubet eas sic tanquam à Diis profectas admittere. Nec aliter erga res divinas animatos esse vult, verum quæcumque super iis, etiam sine probabilibus vel necessariis argumentis credenda proponuntur, ea proris accipi auribus & animis precipit. Cum ergo salutem nostram Deus gratia suæ donum esse velit, & fidei nostræ fructum; idcirco non perspicacis & certa, sed cœca & hebetis rationis nobis concessit usum, ne manifestam factorum mysteriorum notitiam ratione adepti, fidem aspernaremur. At-